

Conradin Mohr : 10 avuost 1910 - 12 gün 1973

Autor(en): **Badraun, Christian / Mohr, Conradin**

Objekttyp: **Obituary**

Zeitschrift: **Annalas da la Societad Retorumantscha**

Band (Jahr): **87 (1974)**

PDF erstellt am: **29.05.2024**

Nutzungsbedingungen

Die ETH-Bibliothek ist Anbieterin der digitalisierten Zeitschriften. Sie besitzt keine Urheberrechte an den Inhalten der Zeitschriften. Die Rechte liegen in der Regel bei den Herausgebern.

Die auf der Plattform e-periodica veröffentlichten Dokumente stehen für nicht-kommerzielle Zwecke in Lehre und Forschung sowie für die private Nutzung frei zur Verfügung. Einzelne Dateien oder Ausdrucke aus diesem Angebot können zusammen mit diesen Nutzungsbedingungen und den korrekten Herkunftsbezeichnungen weitergegeben werden.

Das Veröffentlichen von Bildern in Print- und Online-Publikationen ist nur mit vorheriger Genehmigung der Rechteinhaber erlaubt. Die systematische Speicherung von Teilen des elektronischen Angebots auf anderen Servern bedarf ebenfalls des schriftlichen Einverständnisses der Rechteinhaber.

Haftungsausschluss

Alle Angaben erfolgen ohne Gewähr für Vollständigkeit oder Richtigkeit. Es wird keine Haftung übernommen für Schäden durch die Verwendung von Informationen aus diesem Online-Angebot oder durch das Fehlen von Informationen. Dies gilt auch für Inhalte Dritter, die über dieses Angebot zugänglich sind.

Conradin Mohr

10 avuost 1910—12 gün 1973

da Christian Badraun

«L'umaun propuona,
ma Dieu dispuona»

Quista vardet cun sieu sen profund as verificet l'an passò eir i'l destin da nos amih Conradin Mohr-Nolfi e sia famiglia chi stavan daspö l'an 1958 illa citedina bernaia da Burgdorf. El as rechatava strusch avaunt il termin da gnir pensiuno e quintaiva da retur-ner in patria grischuna per quista sted. Ma la sort tschunchet dandetta- maing sia vita ils 12 gün 1973, ed uossa reposa el sül sunteri da quel lö, e na scu giavüscho in la terra da sieu pajais da naschentscha.

Zieva ün bella giuventüna a Scuol, inua ch'el frequentet eir las scoulas, as prepalet el a la Scoula chantunela da Cuoir per il stüdi a la Scoula politecnica da Turich, ch'el glivret l'an 1933 cul diplom d'indschegner da fabrica. Adonta da la crisa economica da quella vouta cun sia granda surabundaunza da glieud da mister e scolaziun tecnica al reuschit que da gnir tiers tar la Viasfier retica, il prüm scu assistent, alura scu indschegner da la secziun Engiadina e l'an 1952 scu indschegner superiur. L'an 1958 as spordschet per el l'ocasiun da surpiglier la direcziun da la Viasfier Burgdorf—Emmental—Thun e da quatter otras viasfier privatas plü pitschnas i'l vast territori per part prealpin traunter il lej da Thun ed il Weissenstein sper Solothurn. In quista incumbenza da directur da viasfier quintaiva in prüma lingia la granda respunsabilted per la sgürezza da l'intrapraisa. Ma i'ls ultims decennis predominaivan eir auncha oters problems spinus: la modernisaziun dal materiel e da l'apparatura tecnica seguond il progress dal temp ed ils pissers per la rendita da las viasfier, suot- tapostas fermamaing a la concorrenza dals veiculs a motor ed a l'in- cherimaint excessiv dals cuosts da gestiun.



A Conradin Mohr füt que do da superer quistas difficulteds sainza grand'agitaziun. Sieu fer e dispuoner tranquil, ma exact e bain pondero e sia bainvuglientscha e fraunchezza il rendaivan bainvis tar las instanzas superiuras scu tar il persunel da servezzan. El füt eir clamo dal Cussagl federel a fer part da diversas cumischiuns da viafier ed otras associaziuns svizras da transport importantas. Que eiran suvenz incumbenzas dret stantusas. I'l servezzan militer eira el fin aunz la seguonda guerra mundiela uffizchel dals mitragliers i'l battagliaiun 93, stuvet però müder in seguit scu uffizchel da viafier i'l stedi magiur da nossa brigada da montagna 12.

Per distracziuns persunelas ed otras occupaziuns chi l'interessaiavan nun al restaiva cun que pü bger temp. Tuottüna as dedic'net el eir a la politica a Cuaira, inua el fet part per 3 periodas al Cussagl da cited. Eir tar la secziun grischuna da la Societed svizra d'architects ed indschegners giodaiva el granda stima scu commember e zieva per divers ans scu verso parsura. Ouravaunt al staiva però a cour la cultura rumantscha. I'l cuors da sieu temp a Cuaira fet el part per üna deschina dad ans a la suprastanza da la Societed retorumauntscha, inua ch'el cun buns amihs as occupaiva culs problems servind al sustegn ed al mantegnimaunt da sia favella materna pericliteda. Ün ingrazchamaint per tuot que ch'el ho presto in quel lö al pertuocha perque scu cumgio eir illas Annalas.

Cun sia patria grischuna, illa quêla la famiglia revgniva suvenz, specielmaing illa chesa Nolfi a Sa. Maria in Val Müstair, il colliava auncha ün oter liam: la funiculera da Diavolezza. Da prüm innò fet el part al cussagl administrativ da quella, i'ls ultima ans eir scu parsura. Que füss bain steda üna mischiun prediletta per el, da pudair as dedicher cun tuotta peida a quist'intrapraisa zieva sieu retuorn in patria, vis ch'el eira l'hom per ster avaunt a quella. Ma melavita eira decis otramaing, darcho ans trand adimaint cha noss giavüscha-maints nu sun eir la voluntad dal patrun sur tuotta vita.

